

醫方類聚卷之十

五藏門七

簡要濟衆方

論肝藏病

夫肝者木也將軍之官謀慮出焉謂勇而能斷潛發未萌肝與膽合主爲表裏肝氣盛爲血有餘則目赤兩脇下痛引少腹令人喜怒氣逆頭眩耳聾頰腫其脉浮大而數此是肝氣盛則宜瀉之不足者則眼昏暗兩脇拘急



筋攣不得大息及枯面青善悲恐如人將捕
乏其脉沉細而滑者此肝氣虛則宜補之

治肝藏實熱上攻頭目昏眩兼治風化痰鎮
心安神白茯苓丸方

白茯苓兩一人參一兩去麥門冬一兩去酸

棗仁一兩甘草三分微炙黃朱砂三分研生龍腦

一分研

右件除別研藥外同擣羅為末入研了藥
再研令勻鍊蜜為丸如鷄頭大每服一九

嚼破乳香湯下食後臨卧服

治肝藏實目赤昏澀熱淚不止筋脈拘急背
膊勞倦及頭昏頂頸緊急疼痛獨活散方

獨活兩一甘菊花兩一蔓荆子兩一芎藭兩一

右件藥四味擣羅為散每服二錢水一中
盞入酸棗人忝黏子各五十粒研碎同煎

至七分并滓服不計時候
治肝藏壅熱上攻頭目不利四肢拘倦柴胡

散方

柴胡一兩半 石膏二兩 黃芩一兩 赤芍藥一兩 甘草一兩

草一兩
炙黃

右件藥五味搗羅為散每服二錢水一中
蓋同煎至七分去滓食後溫服

治肝元藏風虛明目磁石丸方

磁石三兩 燒醋淬五遍 神麴二兩 朱砂一兩

細研

右件藥三味搗羅為散鍊蜜為丸如梧桐
子大鹽湯下十九丸空心食前服

治肝虛目睛眩疼冷淚不止筋脉疼痛及眼
羞明怕日補肝散方

夏枯草不以多 香附子每一兩入夏

右件藥二味搗為散每服一錢臈茶調下

不計時候

治肝藏虛寒面青黃色兩脇脹滿筋脉不利
背膊疼痛瘦乏無力補虛覆盆子丸方

覆盆子一兩 五味子一兩 附子一兩 炮裂 酸棗

仁一兩 白朮一兩 熟乾地黃半兩

右件藥六味同搗羅爲末鍊蜜爲丸如梧
桐子大每服二十九空心食前溫酒下米
飲亦得

治肝藏風冷氣攻手足拘急及轉筋一切筋
寒之病補骨脂散方

補骨脂一兩 茵苳葉一兩 官桂一兩 附子一兩

炮裂去 乾薑一兩 乾蝎一分

右件藥六味擣羅爲散每服二錢酒水各
半盞入葱白二寸鹽少許同煎至六分食

前熱服如是急轉筋甚者用熱酒調下

治肝藏攻注四肢筋急疼痛及脚膝少力行
步艱難木瓜丸方

宣州木瓜去皮子薄切 牛膝一兩半 酒浸

苗芎藭一兩 黑附子二兩 川羌活一兩

半去 蘆頭

右件藥五味同擣羅爲末鍊蜜爲丸如梧
桐子大每服二十九溫牛膝酒下空心晚
食前

治肝藏中風筋脉拘攣不得屈伸恍惚或多
喜忘或時恐怖茯神丸方

茯神一兩遠志三分人參三分去蘆頭白殭蠶三分

微炒白附子一兩微炮當歸半兩剉乳香一兩研

右件藥七味先搗羅爲末與乳香拌和令
勻鍊蜜爲丸如梧桐子大每服二十九溫
酒下不計時候服

治膽風毒氣虛實不調昏沉睡多宜服酸棗
人散

酸棗人一兩睡頭金臈茶二兩以生薑汁塗炙令微焦

右件藥二味各依法修製了搗羅爲散每
服二錢水一盞煎至六分溫服不計時候

治膽虛睡卧不安多驚悸人參散方

人參一兩去蘆頭白茯苓一兩朱砂半兩研茯神半兩

右件藥四味搗研爲散每服一錢粥飲調
下不計時候服

治膽虛冷精神不守頭目昏眩恐畏不能獨
處薯蕷丸方

薯蕷一兩 酸棗人一兩 栢子人三分 茯神三分
茱萸三分

右件藥五味搗羅爲末鍊蜜爲丸如梧桐子大每服三十九丸溫酒下米飲下亦得不計時候

治膽風不得眠睡精神恍惚乳香散方

乳香一兩 馬頭腦骨灰一兩 酸棗人二兩

右件藥同研令細每服二錢溫酒調下不計時候服

論心臟病候

夫心者火也君主之官神明出焉謂任治於物清淨栖靈也心與小腸合主爲表裏心氣盛爲神有餘則笑不休病生於熱陽氣盛則心神煩亂面赤身熱口舌生瘡咽燥頭痛恐悸而手心熱滿汗出而衄血其脉洪實相搏是心氣實則宜瀉之不足則胃腹脇肋滿悶腰背相引而痛驚恐恍忽情思不樂心腹暴痛唾清涎而多忘其脉浮而虛者是心氣虛

則宜補之

治心藏實熱驚悸喜笑神識不安茯苓散方

白茯苓一兩 梔子人兩 黃芩兩 人參一兩 蘆頭去

甘草半兩

右件藥五味搗羅為散每服二錢水一中

盞入青竹茹一分煎至八分去滓溫服食

後臨臥

治心藏實熱煩躁喘急欲吐不出頭目昏眩

麥門冬散方

麥門冬二兩 聖濟總錄焙 甘草半兩 總錄到 ○石膏

二兩 地骨皮兩 梔子人兩

右件藥五味搗羅為散每服二錢總錄三錢七

水一中盞入小麥五十粒已來竹葉十片

同煎至七分去滓食後臨臥溫服

治心忪驚悸及多好忘鎮心安神遠志散方

遠志一兩 人參一兩 蘆頭去 茯苓兩 菖蒲兩

右件藥四味搗羅為散每服二錢食後臨

臥溫水調下日進三兩服

治心藏不安驚悸善忘上膈風熱化痰安神
朱砂散方

朱砂研一兩 白石英研一兩

右件藥二味同細研為散每服半錢食後
臨臥煎金銀湯調下

治心藏邪熱恍惚驚怖不得眠睡鎮心丸方

朱砂兩一 乳香三分 川白芥子兩半

右件藥三味各研令細煮稀麵糊為丸如
梧桐子大每服十五丸煎桃枝湯下食後

臨臥服

鎮心安神化痰利胃膈治驚悸人參丸方

人參一兩去蘆頭 遠志一兩去心 白茯苓一兩 生乾地

黃兩一

右件藥四味同搗羅為末用棗肉杵和丸
如梧桐子大每服十五丸生薑薄荷湯下
不計時候服

治心藏熱咽乾舌澀面赤潮熱涼上膈生津
液地骨皮散方

地骨皮一兩 防風一兩 去蘆頭 甘草半兩 微炙

右件藥三味搗羅為散每服二錢聖濟總錄三錢

用水一中盞入竹葉五七片同煎至七

分溫服總錄去滓不計時候

治心氣不足驚氣入腹狂言恍惚神志不定

朱砂散方

朱砂一兩 研 烏賊魚骨二兩 研 白膩滑石一兩 研

右件藥三味一處同研為散每服一錢溫

酒調下不拘時候煎人參湯調下亦得

治心藏氣虛恐怖驚悸恍惚謬忘煩悶羸瘦

薯蕷丸方

薯蕷一兩 熟乾地黄一兩 菖蒲半兩 遠志一兩 去心

黃耆一兩 白朮一兩 木香一兩 黃連一兩

右件藥五味搗羅為末鍊蜜為丸如梧桐

子大每服二十丸溫酒下米飲亦得不計

時候服

治心藏虛煩恍惚多忘神思不寧人參散方

人參半兩 去蘆頭 遠志一兩 石菖蒲一兩

右件藥三味同搗羅為散每服二錢 聖濟總錄

三錢 水一中盞入生薑三片薄荷三五葉

同煎至七分去滓溫服不計時候

治小腸實熱心中煩悶少腹熱痛小便赤澀

或出血生地黃散方 大醫方脈

生乾地黃 兩一 白茅根 兩一 木通 兩一

右件藥三味細剉為麤散每服三錢水一

中盞入葱白五寸同煎六分去滓空心食

前類服 此藥治小腸實熱

治小腸實熱小便赤澀結不通車前子散方

車前子 兩一 木通 三分 蘧麥 三分 生乾地黃 三分

焙 甘草 半兩

右件藥五味搗羅為散每服二錢水一中

盞同煎至六分去滓溫服不計時候

治小腸氣痛不可忍及膀胱氣冷結硬不散

川棟子散方

川棟子 兩一 滑州茴香 兩一 木香 兩一 芭戟

天 去心 附子 半兩 炮裂 去皮臍

右件藥五味同搗羅為散每服一錢熱酒調下食前服遇病發不拘時候

治小腸虛冷小便數多鹿茸丸方

鹿茸二兩去毛塗酥炙令黃色白龍骨一兩燒過山茱萸三分

微炒

右件藥三味搗羅為末鍊蜜和丸如梧桐子大每服二十九空心鹽湯下晚食前再服

治小腸虛冷臍下急痛小便滑數厚朴散方

厚朴一兩半去皺少塗生薑汁炙香熟附子三分炮裂白

龍骨一兩芎藭三分當歸一兩切碎炒

右件藥五味搗羅為散每服二錢水一中盞入生薑三片棗二枚同煎六分去滓食前溫服

論脾藏病候

夫脾胃者土也倉廩之官五味出焉謂包容五穀榮養四旁脾與胃合主為表裏脾氣盛為形有餘則病腹脹小便不利身重若飢

痿少力咽喉不利口內生瘡其脉緊實者是
脾氣實則宜瀉之不足者則四肢不舉溇泄
水穀不消喜噫吞酸食飲則嘔吐腹痛而腸
鳴其脉沉細軟弱者是脾氣虛則宜補之

治脾藏實熱乾嘔煩悶目黃躁渴前胡散方

前胡一兩半 茅根二兩到 麥門冬一兩 甘

草一兩 黃芩兩

右件藥五味搗羅爲散每服二錢水一中

盞入生薑三片棗二枚同煎至七分去滓

不計時候熱服

治脾藏熱浮焦口氣引飲不止紅芍藥散方

紅芍藥兩 川大黃兩 甘草兩 地黃兩

右件藥四味搗羅爲散每服二錢水一中

盞煎至六分溫服食後臨臥

治脾虛胃乏不思飲食草豆蔻散方

草豆蔻一兩 青橘皮半兩 高良薑兩

訶梨勒皮半兩 白朮三分 甘草一分

右件藥六味搗羅爲散每服二錢食前陳

米飲調下日進三服聖濟總錄同

治脾藏虛冷不思飲食及冷氣攻腹脇疼痛

四肢少力口吐酸水喫食無味沉香散方

沉香兩白荳蔻肉兩青橘皮一兩半湯浸

高良薑三分肉桂一兩去檳榔三分○聖

茱萸三分炒令焦○總錄厚朴三分去

自然汁

右件藥入味擣羅為散每服三錢水一中

盞煎至六分溫服不計時候

治脾藏虛冷肌瘦少力不思飲食厚朴丸方

厚朴一兩去薑自然汁炙令黃橘陳皮一兩湯浸

訶梨勒皮兩官桂一兩去附子一兩炮裂

乾薑炮一兩白茯苓兩甘草一兩炙

右件藥八味擣羅為末鍊蜜和擣為丸梧

桐大每服二十九溫米飲下食前服大段

不思飲食留末一半每服二錢水一中盞

入生薑二片棗二枚煎至六分下丸二十

丸至三十九

治脾藏虛冷臍腹疼痛或滑泄下利不思飲食厚朴丸方

厚朴三兩去皴皮生薑汁炙香熟乾薑二兩炮裂附子一兩炮裂
去皮訶梨勒皮三分○聖濟總錄白朮一兩

右件藥五味擣羅為末醋煮麵糊為丸如梧桐子大每服二十九至三十九空心食前熱米飲日下二三服

治脾藏虛冷氣腹脇脹滿痰逆不思飲食順氣散方聖濟總錄名順氣煮散

厚朴一兩去皴皮生薑汁炙令香熟陳橘皮一兩湯浸

焙白朮一兩半夏一兩湯洗十四遍乾薑半兩炮裂甘草半兩

右件藥六味擣羅為散每服二錢錄總三錢七

水一中盞入生薑五片棗二枚同煎至七分溫服不計時候錄總食前

治脾藏氣不和多痰逆食飲無味腹脇疼痛大腸虛滑肉荳蔻散方

肉豆蔻半兩麵裹黑附子半兩去皮縮

沙半兩木香半

右件藥四味同搗羅為散每服一錢米飲

調下空心食前

治脾氣不和可思飲食白荳蔻丸方

白豆蔻一兩白木三分乾薑三分

右件藥三味搗羅為末鍊蜜和丸如梧桐

子大每服二十九煎生薑棗湯下空心食

前

治胃氣不和溫中順氣進食厚朴散方

厚朴去麤皮白朮一兩陳橘皮

湯浸去白甘草半兩桂心半兩

右件藥五味搗羅為散每服三錢水一中

盞生薑三片棗二枚同煎至六分食前去

滓溫服

治胃實熱口舌乾燥頭痛煩躁子芩散方

子芩一兩乾葛三分柴胡一兩赤芍藥三分甘草

半兩石膏二兩

右件藥六味搗羅為散每服二錢水一中

盞入生薑三片同煎至七分去滓溫服食

後臨臥

治胃氣熱盛煩躁多渴黃連丸方

黃連三分麥門冬一兩去心焙去茯苓三分巧萬全方

白茯苓聖濟總錄赤茯苓去黑皮苦參兩半

右件藥四味搗羅為末鍊蜜為丸如梧桐

子大每服二十九食後臨臥煎竹葉湯下

治胃氣虛冷胃膈痞悶腹中疼痛嘔吐痰飲

肉豆蔻丸方

肉豆蔻一兩桂心三分去麤皮乾薑三分訶梨

勒皮三分

右四味搗羅為末煮棗肉為丸如梧桐大

每服二十九食前溫米飲下

治胃氣虛冷胃膈不利腹脇脹滿四肢少力

人參散方

人參一兩去蘆頭附子三分炮裂白朮兩半桔梗

兩半赤茯苓兩

右件藥五味搗羅為散每服二錢水一中

蓋入生薑三片棗二枚同煎至六分去滓
食前溫服

治胃氣不和調氣進食平胃散方

蒼朮

四兩去黑皮搗
鹿末炒黃色

厚朴

三兩去麤皮塗
生薑汁炙令香

熟

陳橘皮

二兩洗令
淨焙乾

甘草

一兩
炙黃

右件藥四味搗羅為散每服二錢水一中

盞入生薑二片棗二枚同煎至六分去滓

食前溫服

論肺藏病候

夫肺者金也相傳之官禮節出焉謂位高非
君主行榮衛也肺與大腸合主為表裏肺氣
盛為氣有餘則喘嗽上氣肩背痛而汗出陰
股膝脛皆痛胃膈煩滿口赤鼻張飲無水度
其脉滑實者肺氣實也則宜瀉之不足者則
少氣不能大息胃滿嗑乾虛寒乏氣恐怖不
樂鼻多清涕其脉沉緩者肺氣虛也則宜補
之
治肺藏實熱喘促上氣胃膈不利煩躁鼻乾

地骨皮散方

地骨皮二兩紫蘇葉一兩○聖濟桑根白皮

一兩半○甘草一兩○
總錄到

右件藥四味搗羅為散每服二錢總錄三錢七

水一中盞同煎至七分去滓食後臨臥溫服

治肺藏風熱毒氣攻皮膚癢痒或時胷膈不利時發煩躁白鮮皮散方

白鮮皮一兩防風一兩去人參一兩去蘆頭一兩知母

一兩沙參一兩子芩三分去黑心

右件藥六味搗羅為散每服二錢水一中

盞煎至六分溫服食後臨臥

治肺藏風聖濟總錄作實熱上喘欬嗽鼻塞生瘡口

乾咽痛百部散方

百部一兩款冬花一兩杏人一兩去皮尖炒黃令研入

甘草一兩塗酥炙黃

右件藥四味搗羅為散每服二錢總錄三錢七

水一中盞入糯米少許同煎至六分總錄七分

類聚

十一

頁

八

和滓服總錄去滓温服不計時候煎至六分

治肺氣胃膈痞悶痰唾稠粘上膈風壅及欬

嗽玉潤華蓋散方

絲黃耆一人參一兩去蘆頭桑根白皮一兩防風

一兩去白茯苓一兩甘草三分微炙

右件藥六味搗羅為散每服二錢生薑蜜

湯調下常服入薑如茶點喫亦得不計時

候

治肺熱久嗽不差及涕唾多桑白皮散方

桑根白皮一兩到甘草半兩炙大黃半兩
細炒黃色剉炒

右件藥三味搗羅為散每服二錢水一中

盞入葱白二寸煎至六分去滓食後臨臥

溫服

治肺藏虛實不調或痰滯喘嗽頰赤虛煩宜

服馬兜零散方

馬兜零一兩麻黃一兩去節五五味子一兩甘草一兩
炙合

黃

右件藥四味搗羅為散每服二錢水一中

盞入沙糖少許同煎至六分溫服食後臨

臥

治肺氣欬嗽頭面虛腫大便秘澀葶藶丸方

甜葶藶 二兩微炒○神巧萬全方以水淘洗淨日曬乾却用漿水浸半日以

布子盛蒸一炊久取出又曬乾 漢防已 半兩桑根白皮 三分

炒○萬全 郁李人 二兩湯浸去皮微炒

右件藥四味搗羅為末煮棗肉和丸如梧

桐子大每服二十九生薑湯下 萬全方不

計時候

治肺氣欬嗽喘促坐卧不得漢防已丸方

漢防已 一兩 陳橘皮 半兩湯浸去瓢焙 甜葶藶 三分

豬牙皂莢 一兩去黑皮塗酥炙黃

右件藥四味搗羅為末煮棗肉和搗三二

百杵丸如梧桐子大每服十九至十五丸

煎桑根白皮湯下食後臨臥 聖濟總錄同

治肺寒不能發聲石菖蒲丸方

石菖蒲 一兩 桂心 一兩

右件藥二味搗羅為末鍊蜜和丸如皂子

大每服一丸含化兼治心疼

治肺寒痰逆欬嗽胃膈痞悶鼻多清涕紫苑

散方

紫苑一兩去塵川升麻一兩天門冬一兩焙貝母一兩

炒黃

右件藥四味搗羅為散每服二錢水一中

盞入生薑棗同煎至七分和滓溫服不計

時候

治大腸實熱祕澀不通心煩悶亂大黃丸方

大黃一兩剉牽牛子三兩木香一分郁李人二兩

湯浸去皮焙乾

右件藥四味搗羅為末鍊蜜和丸如梧桐

子大每服二十九煎竹葉湯下生薑湯下

亦得食後臨臥服

治大腸實熱頭痛目眩神志煩悶丹參散方

丹參一兩枳殼一兩石膏二兩白芍藥二兩

生剉

右件藥五味搗羅為散每服二錢水一中

盡同煎至七分去滓入沙糖一塊如棗大
再煎三五沸溫服不計時候

治大腸實熱氣盛上壅腹脹煩悶不通檳榔
散方

檳榔兩一 大黃三分 剉碎炒 甘草半兩 朴消兩半

右件藥四味搗羅為散每服二錢水一呷
盞入生薑少許蜜一匙頭同煎六分去滓
熱服食後

治大腸虛冷腹痛不思飲食草豆蔻散方

草豆蔻一兩半 白朮三分 高良薑三分 陳橘皮

一兩湯浸 厚朴一兩 去麤皮塗
去白瓤焙 生薑汁炙香熟

右件藥五味搗羅為散每服二錢水一中
盞同煎七分空心食前和滓溫服

治大腸虛冷乏氣拘急腸鳴滑洩訶梨勒丸
方

訶梨勒皮一兩 肉豆蔻三分 白朮一兩 乾薑

半兩 吳茱萸三分 湯浸七遍焙

右件藥五味搗羅為末醋麵糊為丸如梧

桐子大每服二十九食前熱粥飲下日三

服神巧萬全方同

論腎藏病候

夫腎者水也作強之官伎巧出焉謂強於作
用造化形容也腎與膀胱合主為表裏腎氣
盛為志有餘則腹脹餐洩體重脛腫喘欬汗
出惡風面黑小便黃其脉浮緊者是腎氣實
則宜瀉之不足者則腰背冷胷中痛耳鳴而
聾足脛寒而厥少腹痛而小便數其脉浮細

而數者是腎氣虛則宜補之

治腎藏實熱風毒上攻頭面虛腫下注脚膝

沉重行李艱難巴戟天丸方

巴戟天一分粳米同炒微黃去心川大黃一兩剉碎微炒

右件藥二味搗羅為末鍊蜜和丸如梧桐

子大每服二十九不計時候臈茶下日三

服以利為度神巧萬全方同如未利宜頻服

治腎藏虛積冷氣脚膝少力行步難不思飲

食天雄丸方

天雄二兩炮裂去皮舶上茴香一兩薯蕷一兩川椒紅

一兩

右件藥四味同搗羅為末用羊腎子一對

切去皮膜細研酒麪同煮成膏候令拌前

藥為丸如梧桐子大每服二十九至三十

丸溫酒或鹽湯下食前服

治腎藏氣冷嘔逆腹脹四肢少力不思飲食

胡蘆巴散方

胡蘆巴一兩丁香一兩舶上茴香一兩沉香三分肉

豆蔻半兩去皮

右件藥五味搗羅為散每服二錢水一中

盞入鹽一捻煎至六分和滓熱服空心食

前

治腎藏冷腰脚無力楮實丸方

楮實二兩炒香牛膝二兩去苗剉炒令乾桂心二兩去皮乾

薑二兩炮裂

右件藥四味搗羅為末鍊蜜和丸如梧桐

子大每服二十九溫酒下鹽湯亦得空心

食前

治腎藏虛久冷臍腹疼痛飲食無味及腰膝疼痛少力精虛夢洩耳內蟬鳴巴戟天丸方

巴戟天半兩穿心者破故紙半兩舶上茴香半兩

炒黑附子一兩去皮臍剉鹽炒

右件藥四味搗羅為末用好酒熬一半成膏留一半搜拌和丸如梧桐子大每服二十丸空心食前荆芥鹽湯下

治腎藏虛冷小便滑數臍腹疼痛耳鳴目暗

附子丸方

附子二兩炮裂去皮臍巴戟天一兩去心白龍骨一兩茴香一兩

乾薑三分炮裂

右件藥五味搗羅為末酒煮麵糊為丸如梧桐子大每服二十丸鹽湯下温酒下亦得空心食前

治腎藏虛冷腰脚疼痛筋攣骨痺四肢少力臍腹疼痛可思飲食宜服鹿茸丸方

鹿茸一兩草火上燎去毛塗酥炙令黃色兔絲子一兩半酒浸乾用

紙裏擣一作末天雄一兩炮蛇床子一兩雄蠶蛾兩

微桂心一兩

右件藥六味搗羅為末以醋煮麵糊和丸如梧桐子大每服十五丸溫酒下空心食前

治腎藏虛冷骨痿少力腰膝沉重行步艱難

氣虛可思飲食補骨脂丸方

補骨脂二兩胡蘆巴一兩胡桃不計

右件藥三味先擣羅二味為末後用胡桃

搗和爛入糯米粥少許為丸如梧桐子大每服二十九溫酒下塩湯亦得空心食前

補腎藏明目暖丹田滋石丸方

滋石二兩礪砂半兩

右件藥二味同擣研為末於堯合子內固濟燒令通赤為度候冷細研為末以酒煮羊腎子細切研糊和丸如梧桐子大每服二十九塩酒塩湯下空心食前

治膀胱氣腫硬上下不定及腰膝氣滯疼痛

行李艱難茴香散方

舶上茴香一兩炒一兩金毛狗脊一兩刮去皮毛黑牽牛

三兩微炒

右件藥三味同搗羅為細散每服三錢入膩粉少許拌勻以猪腎炒鹽酒調下臨臥服鹽湯調下亦得

治膀胱氣塊入腹或下墜滿悶疼痛巴戟天散方

巴戟天半兩去心茴香一兩微炒胡桃人一兩湯浸去皮研

右件藥二味搗羅為散與胡桃人再研令勻每服二錢溫酒調下如不喫酒煎麴湯調下食前服

治膀胱冷氣往來衝心腹痛桂心散方

桂心一兩去一兩去二兩湯浸吳茱萸三宿炒乾

右件藥二味搗羅為散每服二錢酒一盞煎至七分去滓溫服空心食前

治膀胱氣痛及虛冷氣下注茴香丸方

茴香一兩微炒附子一兩炮裂一兩補骨脂一兩微炒胡

桃人一兩

右件藥三味搗羅為末入胡桃同搗爛煮糯米粥為丸如梧桐子大每服二十九至三十九鹽湯下空心食前服

治膀胱積聚氣脹川棟子丸方

川棟子一兩十字切陳舶上茴香一兩芫

花一兩醋炒一分硃砂一分

右件藥四味搗羅為末酒煮羊腎子研膏和為丸如梧桐子大每服二十九鹽湯下

空心服

大全本草

斗門方治元藏傷冷及開胃附子炮過去皮

尖搗羅為末以水兩盞入藥二錢塩及棗

薑同煎取一盞空心服大去積冷暖下元

肥腸益氣酒食無碍

經驗方治丈夫本藏氣傷膀胱連小腸等氣

金鈴子一百箇温湯浸過去皮巴豆二百

箇搥微破麩二升同於銅鍋內炒金鈴子

赤熟爲度放冷取出去核爲末每服三錢
非時熱酒醋湯調並得其麩巴豆不用也
食療云治五藏風冷冷氣心腹痛吐清水胡
椒酒服之佳亦宜湯服若冷氣吞三七枚
三因方

肝膽經虛實寒熱證治

瀉肝湯治肝實熱陽氣伏邪脇痛忿忿悲怒
發熱喘逆滿悶目痛視物不明狂悸非意而
言乍寬乍急所作反常

前胡去苗柴胡 秦皮去皮細辛去苗梔子仁

黃芩 升麻 蕤仁 決明子各等分

右剉散每服四錢水兩盞苦竹葉車前葉
各五片煎至盞半內藥再煎至八分去滓
入芒硝一錢七煎鎔不以時服

瀉膽湯治膽實熱反酒酒惡寒腹中氣滿脇
下硬口苦咽乾頭疼不欲食

半夏三兩湯洗去滑生地黃五兩酸棗仁二兩半
炒黃芩兩一遠志去心薑汁合炒茯苓各二兩甘草炙一

兩

右剉散長流水一斗糯米一升煮蠟眼沸
 湯二三千遍澄清每用二盞抄藥四錢七
 薑七片煎七分去滓不以時服○醫方大
 成右咬咀每服四錢水一盞炒糯米一捻
 姜七片煎服醫方集成南北經驗方神珍方鈐方同
 溫膽湯治膽虛寒眩厥足痿指不能搖蹙不
 能起僵仆目黃失精虛勞煩擾因驚膽懾奔
 氣在胃喘滿浮腫不睡

半夏

湯洗去滑

麥門冬

去心各一兩半

茯苓

二斤

酸棗仁

三兩甘草

炙桂心

遠志

去心薑汁合

黃芩

一斤

草薢

人參

各一兩

右為剉散每服四大錢用長流水壹斗糯
 米煮如瀉膽湯法

心小腸經虛實寒熱證治

清脉湯治小腸實熱身熱手足心熱汗不出
 心中煩滿結塞不通口瘡身重

柴胡

澤瀉

橘皮

芒消

枳實

麩炒

去穢

黃芩 升麻 旋覆花 生地黄 各等分

右剉散每服四錢水盞半煎七分去滓下芒消再煎熱服不以時

茯苓補心湯治心虛寒病苦悸恐不樂心腹
痛難以言心寒恍惚喜悲愁恚怒衄血面黃
煩悶五心熱渴獨語不覺咽喉痛舌本強冷
汗出善忘恐走及治婦人懷妊惡阻吐嘔眩
暈四肢怠惰全不納食

白茯苓 人參 前胡 半夏 湯洗七次去滑 川

芎 各三分 橘皮 枳殼 麩炒去穰 紫蘇 桔梗

甘草 炙 乾薑 各半兩 當歸 一兩三分 白芍藥 二兩熟

地黃 一兩半

右剉散每服四大錢水盞半薑五片棗一枚煎七分去滓食前服

分氣補心湯治心氣鬱結忪悸噎悶四肢浮腫上氣喘急

大腹皮 炒 香附 炒去毛 白茯苓 桔梗 各一兩

木通 甘草 炙 川芎 前胡 去苗 青橘 炒 枳

殼

麩炒去穰

白朮

各三分

細辛

去苗

木香

各半兩

右剉散每服四大錢水一盞薑三片棗一枚煎七分去滓食前溫服

溫脾湯治小腸虛寒苦頭偏痛耳頰疼下痢赤白腸滑腹中疝痛裏急後重

乾薑

一兩半

當歸

黃蘗

地榆

各二兩

阿膠

製炒

茴香

炒

石榴皮

黃連

各一兩

右剉散每服四錢水盞半煎七分去滓溫服

脾胃經虛實寒熱證治

清脾湯治脾實熱病苦足寒脛熱腹脹滿煩

擾不得臥舌本強體重面黃頭痛右脇滿痛

偏脹口唇乾裂寒熱如瘧伏熱口苦咽乾或

有頭痛寒熱如瘧

茯苓

橘皮

淨

草菓

去皮

白朮

各二兩

人參

桂心

鈐方肉桂

白芷

甘草

炙

川芎

各一兩

半夏

三兩洗七次

右為剉散每服四大錢水二盞鈐方薑七

片紫蘇三葉煎七分去滓服欲通利加大黃

平胃散治胃實熱口唇乾永類鈴方嘔噦煩悶大小便秘澁及熱病後餘熱不除畜干胃中四肢發熱口渴胃滿無汗

厚朴去皮姜製炒射干米泔浸升麻 茯苓各一兩半

芍藥二兩枳殼去穢炒大黃蒸甘草炙各一兩

右為剉散每服四錢水一盞煎七分去滓空心熱服

補脾湯治脾永類鈴方此下有胃字虛寒病泄瀉腹滿氣逆嘔吐心煩不得臥腸鳴虛脹飲食不消勞倦虛羸喜噫四肢逆冷多臥少起情意不樂

人參 茯苓 草蓂去皮乾薑炮各一兩麥蘖炒

甘草炙各一兩半厚朴去皮姜製炒橘皮淨白木

各三分

右為剉散每服四錢水一盞半鈴方煎七分去滓食前服

養胃湯治胃虛寒脛寒不得臥浙浙惡風洒
洒惡寒腹中痛虛鳴寒熱如瘧唇口乾面目
虛浮嘔噦吐瀉四肢疼痛不思飲食或傷寒
濕骨節皆痛○永類鈴方治脾胃虛寒嘔逆
惡心脹脇脹痛腸鳴泄瀉或有外感寒熱如
瘧骨節煩疼

厚朴姜製藿香去梗半夏湯洗七次茯苓各一兩
各乙分人參 甘草炙附子炮去皮橘皮各三分
鈐方淨草菓去皮白朮各半兩

右剉散每服四錢水盞半薑五片棗一枚
烏梅半箇煎七分去滓空心服常服溫胃
消痰進食下氣辟寒疫

肺大腸經虛實寒熱證治

清肺湯治肺實熱肺壅汗出若露上氣喘逆
咳嗽咽中塞如嘔狀短氣客熱或唾膿血

薏苡仁 防己 杏仁 冬瓜子仁各三分
子白皮一分

右爲剉散每服四錢先以葦葉切握水

二盞煎盡半入藥同煎至七分去滓食前服

瀉白湯治大腸實熱腹脹不通俠臍痛食不化喘不能久立口生瘡

橘皮 淡竹茹 黃芩 梔子仁 藥皮

炙各 茯苓 兩 芒消 各一兩 生地黃 五兩

右為剉散每服四錢水盞半姜棗煎七分

壅心服

補肺湯治肺寒虛逆滿上氣咽中悶寒寒從

背起口中如含冰雪語無音聲舌本乾燥吐沫唾血不能飲食

欬冬花 桂心 各一兩 桑白皮 炙四兩 人參

紫苑茸 一兩 白石英 一兩 五味子 鍾乳粉 各

兩 麥門冬 去心

右剉散每服四大錢水一盞半薑五片棗三枚粳米一撮同煎七分去滓食前服

固腸湯治大腸虛寒利下青白腸中雷鳴相逐大便不節小便赤黃氣上衝胃不能久立

身腫腹急當臍痛悉主之

酸石榴皮兩半黃連炒地榆各一兩罌粟殼醋炙

茯苓各一兩半

右剉散每服四錢水盞半薑五片烏梅一箇煎七分去滓空心服

腎膀胱經虛實寒熱證治

青原湯治腎實熱小腹脹滿四肢正黑耳聾骨熱小便赤黃腰脊離解及伏水等

茯苓 黃芩 菖蒲各五兩 玄參 細辛各四

兩 大黃水浸一宿 甘草炙各二兩 磁石八兩煨醋淬

右為剉散每服四錢水一盞煎七分去滓熱服

瀉浮湯治膀胱寔熱腰脊痛閉塞不通舌乾咽腫悉主之

茯苓 梔子仁 知母各三兩 生地黃 淡

竹葉各五兩 石膏八兩煨

右為剉散每服四錢水盞半煎七分入蜜半匙煎兩沸熱服須利加芒消一錢匕

温腎散治腎虛寒陰萎腰脊痛身重緩弱足腰不可以按語音混濁陽氣頓絕

熟乾地黄片一菴蓉酒浸麥門冬去心牛膝酒浸五

味子巴戟去心甘草炙各茯神去木乾姜炮

五兩杜仲去龜皮剉姜汁

兩淹炒絲斷三兩右為末每服二錢温酒調下空心日二三服

補浮湯治膀胱虛冷脚筋急腹痛引腰背不可屈伸耳聾目眩眩坐欲倒小便數遺白面

黑如炭

黃芪各一兩半白茯苓剉薑汁淹杜仲炒斷絲各三兩

磁石煨五味子各三兩白朮搥碎白石英各二兩

半兩

右為剉散每服四錢水盞半煎七分去滓

空心温服

神功萬全方

治肝虛方

夫肝主於春其脉弦而長者肝平脉也脉沉

而滑者是肝氣虛也虛則生寒寒則脇下堅
硬視物不明眼生黑花脚筋轉面青爪枯喜
悲恐不得大息甚則恐恐然如人將捕之並
肝虛候

治肝藏虛寒頭目昏疼四肢不利胃膈虛煩
宜服補肝散方

甘菊一兩 茯神 芎藭 細辛 五味子

人參 獨活 羚羊角屑 白木各三分

肉桂 酸棗人微炒 甘草炙各半兩

右件藥杵羅為散每服三錢以水一中盞
入棗三枚同煎六分去滓溫服

治肝虛寒色面青黃胃脇脹滿筋脉不利背
膊痠疼羸瘦無力益肝雙補丸方

細辛 酸棗人微炒 白茯苓 楮實子 覆

盆子 五味子 附子炮 石斛去苗 破故紙

炒 鹿茸去皮酥炙令黃 肉桂 白朮 沉香 枳

實麩炒 熟乾地黄已上各一兩

右件杵羅為末鍊蜜丸如梧桐子大每服

三十圓空心早晨晚食前温酒下

治肝虛不足兩目昏暗熱氣衝上淚出疼痛

兩脇虛脹筋脉不利宜服芎藭丸方

芎藭一兩細辛 白芷 覆盆子 五味子

人參 白茯苓 羌活 肉桂 栝子人

蔓菁子 甘菊花 枸杞子 車前子

甘草炙已上各半兩

右件杵籬為末鍊蜜和杵丸如梧桐子大每服三十圓粥飲下

治肝虛脇偏痛久宿食不消并眼茫茫暗風淚出見物不審消寒止淚山茱萸散

山茱萸 肉桂 茱萸 天雄炮 茯苓

人參各五分 芎藭 白朮 獨活 五加皮

大黃各七分 防風 乾薑炮 丹參 厚朴薑汁

浸細辛 桔梗各六分 甘菊花 甘草炙各

貴衆二分 陳橘皮二分 陳麥麩炒 大麥蘖各一

右件杵為末酒下方寸七若食不消食後

服若止痛食前服之

治肝實方

左手關上陽實或浮大 數皆肝實候實則
生熱陽盛致心下堅滿目痛眼眦赤頸直背
引筋急不得屈伸甚者忿忿多怒並肝實候
用病或呼而哭哭下反吟熱喘逆悶恐畏視
不明語聲切急者為不可治

治肝實熱頭疼目眩心膈大煩大腸不利宜
服瀉肝散

決明子三分石膏二兩川大黃一兩劉劉甘菊花

黑參 地骨皮 黃耆 升麻 黃芩

羚羊角屑 青箱子 甘草已上各半兩

右件藥搗羅為散每服三錢以水一中盞

煎至六分去滓食前溫服

治肝實熱上攻頭目昏眩兼治風化痰半夏

丸

半夏湯洗去滑人參 白茯苓 麥門冬去酸

棗人微炒甘菊花已上各一兩朱砂三分龍腦一分

入研

右件藥別研藥外同杵羅爲末入研了藥再研和勻鍊蜜爲丸如雞頭大每服一丸乳香湯嚼破薄荷湯亦得

治膽虛冷方

夫膽者肝之府府爲腸足少陽是其經也其經虛則生寒寒則畏恐不能獨卧卧則不安喜大息目眩口苦多唾嘔宿水心下澹澹如人將捕之並膽虛候也

治膽虛冷神思昏沉頭旋目暗宜服决明丸方

决明子 天雄炮去皮 栝子人 枸杞子

細辛 芎藭 兔絲子酒浸三日焙乾別 兩

右件擣羅爲末鍊蜜爲丸如梧桐子大每服三十丸以温酒下空心及晚食前服之治膽虛冷神思昏沉頭旋目暗宜服酸棗人丸方

酸棗人微炒地榆 茯神 朱砂研已上各一兩

右件搗羅為末鍊蜜和丸梧桐子大每服三十方糯米粥飲下不計時候

治膽實方

左手關上陽實者膽實也實則熱熱則精神不守胃中冒悶心煩咽乾口吐苦汁晝夜耽睡並膽實候

治膽實心胃冒悶精神不守瀉熱麥門冬散方

麥門冬一兩去心青箱子 黃芩 茯神

地黃 苦參 甘草炙 羚羊角屑各半兩

右件杵羅為散每服三錢以水一中盞入茶一錢同煎至六分去滓食後溫服

治膽實熱精神不安起臥不定口中多苦宜

服胡黃連丸方

胡黃連一兩熊膽一分青黛一分地黃一分羚羊

角屑 青箱子各半兩

右件搗羅為末研勻用牛膽汁和丸如無

牛膽卽用大羊膽和丸棗豆大食後煎竹葉湯下七丸

治膽熱神思不爽昏悶如醉多睡少起宜服地黃散方

地黃 麥門冬各二兩 地骨皮 黃芩 茯
神各一兩 酸棗人生用 白鮮皮 沙參半兩 甘草
炙 羚羊角屑各半兩
右件杵羅為麤散每服三錢以水一中盞煎至六分去滓食後溫服

治心虛方

夫心王於夏其脉洪而散者心平脉也脉弦而長或浮而虛並心虛候虛則生寒寒則情緒不樂或悲不已心腹暴痛唾清涎喜忘多驚夢救火精神離散並心虛候
治心氣虛驚悸喜忘不思飲食宜服遠志散方

遠志去心用 菖蒲 鐵精 人參 甘草炙
芎藭 活獨 紫石英研入 五味子 半夏

湯洗七龍骨研入已上黃耆一兩肉桂去防

風去滑秦艽 乾地黄 茯苓 麥門冬去心

已止各三分

右件養羅為散每服三錢以水一中盞入生薑半分棗三枚煎至六分去滓食後溫服

治心虛恐畏腹脇暴痛志意不樂宜服栢子人丸方

栢子人 遠志去心 乾地黄各一兩半 桂心 茯苓

神 芎藭 人參 丹參 防風 沉香

各一兩 菖蒲 甘草各半兩

右件擣羅為末鍊蜜和丸如梧桐子大每服三十丸溫酒下不計時候

治心藏不安驚悸喜忘上膈風熱化痰安神

朱砂散

朱砂研 白石英研已上 馬牙消三分

右件三味藥同研勻每服半分食後臨卧煎金銀湯調下

治心實方

夫心脉洪若脉洪而實大是心實而生熱熱則陽氣盛陽盛則榮衛之氣不能通行心神煩亂面赤身熱口舌生瘡咽燥頭痛或笑不休驚悸手心熱滿汗出衄血並心實候心

病或笑不休呻而反憂吐逆狂言汗出如珠身體厥逆脉沉滑色黑者不可治也
治心實熱或欲吐了而不出煩悶喘急頭痛宜服地黄散方

地黄二兩 麥門冬去心 地骨皮 赤茯苓 石

膏各二兩 甘草炙 葛根各半兩 梔子人三十枚

右件搗羅為末麤散每服三分以水一中盞入生薑半分小麥與豆豉各五十粒淡竹葉二七片煎六分溫服

治小腸虛方

小腸者心之府也手太陽是其經主受盛行水液也若虛則腸中刺痛氣繞臍或搶心冷汗出小便數此小腸虛候

治小腸虛冷氣小腹疼痛不可忍鹽煎散方

川烏頭四兩去皮生用益智子去皮用三兩青橘皮二兩

白薑一兩半船上茴香一兩

右件杵羅為散每服一大錢入鹽煎五分

熱呷

治育腸氣疼痛宜服檳榔散方

檳榔木香各三分胡蘆巴肉豆蔻沉

香桂心船上茴香各半

右件杵羅為散每二服錢溫酒調下不計

時候

治育腸氣發歇疼痛不可忍宜服礪砂丸方

礪砂二兩礪為末以醋煎調塗於古銅鏡子面上用新盆蓋七日刮取綠子細

研檳榔木香船上茴香各一兩沒藥半兩

右件杵羅為末入礪砂同研勻以糯米飯

和丸菜豆大每服七丸以熱生薑酒吞下

不計時候

又方金鈴子 蓬莪茂 船上茴香 木香

桂心 各一兩

右件杵羅為末用生漆和丸先以生油塗手丸如梧桐子大陰乾每服七丸熱酒嚥下

治小腸實方

左手寸口陽實者小腸實熱也心下急痺口張舌生瘡身熱來去汗出小腸急脹小便亦澀不利此小腸實候

治小腸實熱熱則心下急痺口舌生瘡宜服

欝金散方

欝金 羌活 黃連 川大黃 炒 麥門冬

去馬牙消 研入川升麻 各一兩 白附子 炮 黃芩

各三分 甘草 一兩

右件搗羅為散每服一大錢麥門冬熟水

下食後服

治小腸實熱心中煩悶小便出血宜服地黃

飲子方

生地黃 白茅根 大木通 各一兩 葱白 五莖

右件細切以水一大盞半煎至八分去滓
食前分作二服

治脾虛方

脾位中央王在仲夏及四季其脉來大而緩
者脾平脉也若沉細軟弱者脾虛虛則心腹
脹滿水穀不化嘔吐洩利四肢不用惡聞人
聲夢飲食不足皆脾虛候

治脾虛心腹脹滿食少無力宜服補脾丸

白朮 附子炮 訶梨勒去核 葶撥 白豆

薏去殼 神麴炒 人參已上一兩 葦澄茄 沉香

丁香各半 陳橘皮三分 厚朴二兩 姜

右件搗為末以酒煮棗肉和勻丸如梧桐
子大每服二十九生姜湯下食前服

治脾胃冷熱氣不和心腹虛脹痰逆少思飲
食四肢無力宜服人參散方

人參一兩 厚朴浸姜汁 白茯苓 木瓜 訶梨

勒 木香各三分 甘草一分 草豆蔻 乾姜

各半兩

右件搗羅為散每服一錢姜棗湯調下不計時候

台脾氣虛心復脹滿胃膈不利少思飲食宜服蘿蔔子散

蘿蔔子好者揀五兩炒令熟搗羅取末一兩餘者有油別研如膏草豆

薤去皮沉香 丁香 白朮各半兩

右件搗羅為末入前蘿蔔子末及別入白沙糖二錢半同研令勻每一錢抄在口內細嚼後以米飲下其蘿蔔子膏別入草薤

末一分白沙糖三分拌令勻每取半棗大亦細嚼米飲下不計時候

治脾胃虛冷食即欲嘔心腹脹悶水穀不消四肢無力宜服畢澄茄散方

萹澄茄 木香 白豆蔻去殼 白朮 檳榔

草豆蔻去皮 訶梨勒 肉豆蔻去殼 枳殼炒 白

茯苓 乾薑炮 丁香 甘草炙 陳橘皮去穢

已上各半兩 厚朴一兩去皮 生姜汁塗

右件搗羅為末每服三錢以水一中盞入

生姜半分棗三枚同煎六分去滓食前服
治脾胃氣虛弱不能飲食宜服生姜煎方

生姜半斤研取汁白蜜十人參四兩

右件用銀鍋子內都攪令勻以慢火熬成
煎每服不計時候以熱粥飲調下一茶匙
上

治脾藏虛冷心腹有積滯氣發歇疼痛心膈
不利兩脇脹滿不能飲食宜服礪砂煎方

礪砂二兩白色不夾石者研阿魏一分京三稜 訶梨

勒各一兩丁香 人參 附子炮 青橘皮去穢

木香 舶上茴香各半兩 檳榔 神麴各兩半

剉碎
為末

右件訶梨勒已下細擣為末以好酒一升
先煎礪砂次入阿魏同煎五七沸後以絲
濾過再煎之後下神麴末攪令調慢火熬
成膏拌和諸藥末入臼擣為丸如梧桐子
大每服十五丸至二十丸食前以生薑湯
下溫酒亦得

治脾藏虛冷大腸滑洩痢食不消化腹內疼痛手足多冷面色青黑宜服訶梨勒散方

訶梨勒炮取皮附子炮龍骨火斷過當歸炒已上各

一兩吳茱萸湯浸七遍焙乾微炒乾薑炮各半兩

右擣羅為末每服二錢熱粥飲調下食前服

消食丸主數年不能食方

大麥蘖麵各一斤七日者乾薑烏梅各四兩

右件為末蜜和服十九茱豆大日再至四

十九丸寒在胃中及反胃番心者皆差陳米飲下

治脾實方

右手關上陰脉緊實者脾實也實則身體重不能轉側心胃熱悶唇口乾焦頰痛心急咽喉不利舌本強生瘡語聲沉重臥夢歌樂四支怠惰此脾實候

脾病若舉體消瘦語音如促破鼓之聲舌強不轉而好咽唾口噤唇黑四肢不舉身重

如山便利無度此不可治或唇乾青日漸縮急口噤人中
等分黃色應亦為不治

治脾熱 病腹滿不歇目赤不止口唇乾裂

石膏煎方

石膏斤一 生地黄汁 蜜各一升 淡竹葉切五升

右四味以水一斗二升煮竹葉取七升去

滓澄清煮石膏取五升五合去滓下地黄

汁兩沸次下蜜煎取三升細細服之

治脾藏實熱咽喉不利口舌乾燥宜服人參

九

人參 麥門冬去心各一兩 牛蒡子 射干

川升麻 犀角屑 甘草炙 馬牙消研 黃

藥子 木通各半兩 龍腦一錢

右件擣羅為末入研末同勻鍊蜜和丸梧

桐子大每服以竹葉湯下二十九食後服

治胃虛方

胃者脾之府為水穀之海若苦飢兩脇虛脹心腹疼痛咽喉不利飲食不下面目浮腫浙

浙惡風目中忽痛足脛寒不得卧此胃虛候
又曰鼻下平者胃病也微赤者病發黑者有
熱微白者有寒青者不可治

治胃中虛冷氣攻腹脇妨悶食久不消宜服
厚朴散

厚朴二兩姜汁塗炙訶梨勒皮一兩肉豆蔻 木香

陳橋皮去核檳榔各三分

右件搗羅為末每服三錢以水一中盞入
生姜半份以棗三枚煎六分去滓食前稍

熱服

治胃實方

右手關脉陽實者胃實也實則苦頭痛汗不
出狀如溫瘧唇口皆乾渴而引水喜噦溺色
黃赤或生乳癰及缺盆腋腫此胃實候
治胃實熱嘔逆下下食宜服犀角散方

犀角屑 葛根各三分 枇杷葉去毛炙 柴胡

麥門冬各一兩去心

右件搗羅為麤散每服三錢以水一中盞

生姜半分同煎六分去滓溫服

治胃中實熱吐逆不受飲食心神煩渴宜服

生姜湯方

生姜半兩糯米半合淘蜜一合

右件和入新汲水一中盞分為二服

治肺虛方

右手寸口陰脉沉緩者肺虛也虛則聲嘶言語用力少氣咽乾咳嗽及喘鼻有清涕皮毛焦枯此肺虛候

治肺藏氣虛無力手脚顫掉喫食減少宜服

補肺欵冬花散

欵冬花 人參 白茯苓 麥門冬去心五

味子 熟乾地黄 陳橘皮去瓤肉桂去皮已上

各一兩 白朮 黃耆炒牛膝去苗桔梗 杏仁

去皮紫苑各三分 甘草炙

右件搗羅為末每服三錢以水一中盞入

生薑半分棗二枚煎六分去滓溫服

治肺氣喘咳嗽氣短不得睡卧紫苑丸方

紫苑 漢防已 貝母煨微 人參 桑白

皮 欵冬花 木香 甜葶塵隔紙炒 檳

榔各一兩 天門冬去心 杏仁半兩湯浸去

甘草半兩微炙

右件藥杵羅為末鍊蜜和丸如梧桐子大

一服二十九粥飲下不計時候

治多年肺氣累療不差心膈煩熱喘促宜服

此方

金箔五十片研 黃藥半兩末 砒霜一兩以熟絹裹

開一竅可容砒霜又用蘿蔔塞印以綿纏繫內鑊中以水入燈心五小把煮半日出

之取砒霜研令膩粉錢一五 五味子半兩杵末 銀薄

五十片 菜豆粉一兩 蜜半兩 陶僧半兩

右件藥同研令勻煮棗肉和丸如梧桐子

大以沙糖溫水研化一丸食前服之初用

七丸空心服全吞得吐尤佳

治肺藏傷風冷喘促咳嗽言語聲嘶咽喉不

利桔梗丸方

桔梗 細辛 菖蒲 紫苑各三分 肉桂

陳橘皮去瓢各一兩 百合 杏仁去皮炒 人參

各半 甘草一分

右擣羅為末鍊蜜和丸如彈子大每服一丸
九絲裏燕津含化

治肺不足虛寒乏氣補氣方

羊肚法一具治如食 羊腎一對法 乾地黄五兩

甘草 椒各一兩 昆布 地骨皮 乾薑

各四兩 桂心 人參 海藻 白朮 厚朴

各三兩 生薑制

右為散內肚中和羊腎縫塞肚口蒸熟為度乘熱木臼中擣碎腎與藥為一處曝乾杵為散酒下方寸七

治肺實方

肺脉浮若脉滑實為肺實實則胃膈煩滿鼻口張飲水無度上氣喘逆汗出若露咽中不利陰股膝脛皆痛此肺實候
若肺先死鼻則為之梁折孔閉青黑色見人中
甲等分土色應之必死不治問曰肺病少愈

而卒死者如何答曰赤黑如母指鱗點見顏必死又曰足滿泄利不覺其出無時度面白目青是謂亂經飲酒當風風入肺經膽氣妄泄目則為青雖有天命救不復生面黃目白不死若面赤鼻不欬可治

治肺藏氣實胃煩壅咳嗽喘促大腸氣滯宜服瀉肺麥門冬煎方

麥門冬去心 郁李人去皮 大黃炒各二兩 杏仁去尖細 枳殼去麩炒 貝母各一兩 生地黃汁三合 牛

芎根汁合

右件杵羅為散用蜜四兩酥二兩入前三味汁同於銀鍋子內入諸藥末攪令勻慢火煎成膏收於瓷合內每服不計時候清粥飲調下一茶匙

治肺壅熱氣逆吐血宜服地黃散方

地黃 黃耆 阿膠麩炒 貝母 桑白皮

蒲黃各一兩 人參 天門冬去心 麥門冬去心 甘

草生用 赤芍藥 當歸炒已上各半兩

右件搗羅爲散每服一錢以粥飲調下

治肺壅熱極肺脹喘吐血不止方

生地黄汁四兩鹿角膠一兩炒

右件以童子小便一中盞於銀器中同地

黃汁及膠末和勻煎三兩沸分溫服

治肺萎方

肺爲諸藏之華蓋而所主者氣也或因久咳
氣血傷損或從汗出或有吐嘔或有消渴小
便利數或因重下津液枯竭因成肺萎診其

脈數者是其候也肺萎咳而嘔逆多吐涎沫
咽喉乾燥小便滑數欲飲水者易治欲咳不
能咳吐唾稠粘多膿血小便不利者爲難治
治肺萎損敗氣喘咳嗽有血宜服紫苑散方

紫苑 欬冬花 阿膠炒枯側柏葉酥炙

黃芩各一兩乾熟地黄三麥門冬去心

參三分白茯苓兩蛤蚧一隻頭尾全

右件搗羅爲末每服一錢粥飲調下

治大腸虛方

大腸者肺為表裏名傳送之府化物出焉若
虛則腸如雷鳴洩青白痢食不消化臍腹切
痛皮膚乾燥是其候也

治大腸虛冷腸鳴洩痢腹脇氣痛飲食不化
厚朴散

厚朴一兩半 陳橘皮去 附子炮 訶梨勒皮

各一 當歸炒 肉荳蔻各三 吳茱萸一分

兩 木香 桔梗各半 甘草一分

右件搗羅為末每服三錢以水一中盞入

生薑半分棗三枚煎至六分去滓食前熱
服

治大腸實方

大腸氣實則腸結不通上氣喘咳身面熱咽
喉中如核狀脇滿心神煩悶是其候也方見
方聖惠

治腎虛方

左手尺中脉陰虛者腎虛也一曰脉浮細而
數亦虛病若腰背痛不得俛仰手足寒呼吸

氣膈腹疼痛面鰲耳鳴肌骨乾枯小便滑
數此其候也

治腎藏虛冷木瓜煎丸方

巴戟去心肉蓯蓉酒浸三宿切焙乾大附子炮補骨

脂微炒已上椒紅二兩牛膝 茴香 防風

木香 青橘皮各三分

右件搗羅為末以淨硃砂半兩木瓜肉六
分酒三升於銀器內熬成膏和丸如梧桐
子大空心溫酒下三十圓

治腎藏久虛面色萎黑足冷耳鳴四肢羸瘦
脚膝緩弱小便滑數宜服補腎肉蓯蓉丸方

肉蓯蓉酒浸去皮乾地黄 鹿茸去毛炙令黃磁石

火燒用醋淬七遍細研水飛兔絲子酒浸三宿外一研入已上各三兩

肉桂去皮附子炮去牛膝酒浸石斛去根補骨

脂炒草薢去根杜仲去皮炒白龍骨已上各一兩

山采萸 茱萸 石南葉 白茯苓 麥

門冬去心黃耆 五味子 覆盆子 遠志

去心巴戟已上各三分

右件杵羅爲末鍊密爲丸梧桐子大每
三十九空心以溫酒下

治腎藏積冷氣攻心腹疼痛發歇不定補骨
脂煎方

補骨脂 木香 肉桂 去皮生 青橘皮 去穢 附

子 炮去 桃人 去皮麩炒令黃 阿魏 麩裏 乾

蠍 炒已上 各半兩

右件搗羅爲末用童子小便二大盞煎和
成膏收於不津器中每服一茶匙以熱生

薑酒調下不計時候

治腎藏積冷氣攻心腹疼痛喘促悶亂微絕
或出冷汗宜服硃砂煎方

硃砂 水飛過 沒藥 研入 青橘皮 去穢 肉桂 華澄

茄 川烏頭 炮去皮 茴香 一兩半炒

右以青橘皮已下爲末以酒煎硃砂沒藥
成膏和藥末再杵如菜豆大每服十五丸
生薑酒下

治育腸風氣小腹疼痛不可忍宜服藁香丸

藁香炒 葦澄茄 檳榔 木香 苦練子

礪砂細研已上 吳茱萸半兩湯浸 桃人三分

湯浸去皮 阿魏半兩

右件搗羅為末次以酒化阿魏同礪砂挑人膏入少麵熬令得所同上件藥末和勻丸如梧桐子大每服二十九煨葱酒下溫服

治腎實方

左手尺中神門以後脉陽實者腎實也一日

浮腎亦實實則小腹脹滿腰背急強舌乾咽

腫體重骨熱小便黃赤足熱痛四肢黑耳聾

是其候也 或呻而好恚恚而好忘恍而有

所思又耳聽無聞四肢滿急小便赤黃言音

口動而出笑而看人此為邪熱傷腎甚則不

矩一日耳焦枯腎先死若天中等分土色應

或白黑黃色黧點如梅指應必死面黑目白

或面黃口黑如烙俱死候也

治腎藏實熱好忘耳聽無聲四肢滿急腰背

動轉強宜服瀉腎黑參散方

黑參 赤茯苓 黃芩 澤瀉 川升麻

川芒消 羚羊角屑 赤芍藥 杏人皮去

麩炒已上 各一兩 磁石二兩研水淘去赤汁 甘草半兩

右件搗羅為末每服半兩以水一大盞半

入生地黃半兩淡竹葉二七片煎八分去

滓食前分溫二服

治腎藏氣實肩拘急小腹脹滿煩熱胃脇時

痛腰背強直小便赤黃宜服瀉腎澤瀉散

澤瀉一兩 赤芍藥半兩 赤茯苓 木通 黑參

黃耆 檳榔各三分 羚羊角屑半兩

右件搗羅為末每服四錢以水一中盞煎

六分食前服

治膀胱虛方

治膀胱虛冷氣攻腰間及腹脇疼痛宜服沉

香散

沉香 附子炮 檳榔各一兩 桃人去皮尖麩

木香 葦澄茄 桂心 白蒺藜去刺 藁

香子

炒各三分

右件細搗為散每服二錢食前以生薑熟酒調下

治膀胱及腎藏虛冷小便色白稠濁日夕無度腰脇痛宜服腎瀝散

肉蓯蓉

酒浸炙

附子

炮已上各一兩

漢椒

去目合口者炒去汗

五味子

乾薑

炮

當歸

桂心

兩半

人參

黃耆

澤瀉

芎藭

牛膝

石斛

磁石

二兩研以水淘去赤汁帛包

右搗羅為末每服五錢以水一大盞用羊

腎一對切去脂膜每用磁石包子及入棗

三枚同煎至五分去滓溫服

嚴氏濟生方

肝膽虛實論治

夫肝者足厥陰之經位居東方屬乎甲乙木開竅於目候於左脇其政變動病發驚駭臧魂養筋者也與足少陽膽之經相為表裏謀慮過制喜怒不節疲勞之極擾亂其經因其

虛實由是寒熱見焉方其虛也虛則生寒寒
 苦脇下堅脹時作寒熱腹滿不食悒悒不樂
 如人將捕眼生黑花視物不明口苦頭痛關
 節不利筋脉攣縮爪甲乾枯喜怒悲恐不得
 太息診其脉沉細而滑者皆虛寒之候也及
 其實也實則生熱熱則心下堅滿兩脇下痛
 痛引小腹令人喜怒氣逆頭暈皆赤悒悒先
 寒後熱頸直背強筋急不得屈伸診其脉浮
 大而數者皆實熱之候也脉來弦而長乃不

病之脉脉來弦而濇或急而益勁如新張弓
 弦或脉至中外急急如循刀刃噴噴然如按
 琴瑟絃者此皆肝死矣治之之法當分虛實
 冷熱而調之以平為期

栝子仁湯治肝醫方大成集成南北氣虛寒

兩脇脹滿筋脉拘急腰膝小腹痛面青口噤

栝子仁炒白芍藥去防風去茯苓去神木去當歸

酒浸芎藭附子炮去皮細辛洗去土藥

一兩桂心方不見火○經驗甘草兩各○承

類鈴方已上
十味各半兩

右咬咀每服四錢水一盞半大成集方

一盞五片煎至七分去滓温服不拘時候

柴胡散治肝氣實熱頭痛目眩眼目赤痛曾

中煩悶夢寐驚恐肢節不利

柴胡去蘆地骨皮去木玄參 羚羊角 鈔 甘菊

花去枝梗赤芍藥 黃芩各一兩甘草炙半兩

右咬咀每服四錢水一盞半醫方大成集

方袖珍方永蓋薑五片煎至八分去滓温服

不拘時候

茯神湯治膽氣虛冷頭痛目眩心神恐畏不

能獨處醫方大成集方作遇事多驚 胃中

滿悶

茯神去木酸棗仁炒去殼○經驗方黃耆去白

芍藥經驗方五昧子 栝子仁炒各桂

心不見火○大成熟地黃 洗 人參大成集

一甘草炙各

右咬咀每服四錢水一盞半薑五片煎至

七分大成集 成經驗 方袖珍方八分去滓溫服不拘時候

酸棗仁圓淨膽氣實熱不得睡醫方大成集 成南北經驗

方作煩悶不睡神思不安

茯神去木酸棗仁炒去殼遠志去心栢子仁炒別

研防風一兩生地黄洗枳殼去穰各青

竹茹二錢半

右為細末煉蜜為圓如梧桐子大每服七十圓不拘時候熟水送下

心小腸虛實論治

夫心者手少陰之經位居南方屬乎丙丁火為形之君外應于舌主宰一身統攝諸臟血脉灌溉谿谷內潤五臟外衛腠理與手陽明小腸之經相為表裏若憂愁思慮傷之因其虛實由是寒熱見焉方其虛也虛則生寒寒則血脉虛少時多恐畏情緒不樂心腹暴痛時唾清涎心膈脹滿好忘多驚夢寐飛揚精神離散其脉浮而虛者是虛寒之候也及其實也實則生熱熱則心神煩亂面赤身熱口

舌生瘡咽燥頭痛喜笑恐悸手心煩熱汗出
衄血其脉洪實者是實熱之候也診其脉浮
大而散是不病之脉反得浮濇而短或前曲
後据如操帶鈞此皆心死矣治之之法熱則
清之寒則温之又當審其所自焉

補心圓治憂愁思慮過度心血虛寒悸恐不
樂舌強話難恍惚喜忘愁恚面黃多汗不進
飲食

紫石英火煨研細熟地黄洗菖蒲去木茯神去木當

歸去蘆附子炮去皮黃耆去蘆遠志去心炒川芎

桂心不見火龍齒各一兩人參半兩

白為細末煉蜜為圓如梧桐子大每服七
十圓不拘時候用棗湯下

心丹此丹顆粒辰砂加心藥煮煉主男子婦
人心氣不足神志不寧憂愁思慮謀用過度
或因驚恐傷神失志耗傷心氣恍惚振悸差
錯健忘夢寐驚魘喜怒無時或發狂眩暈不
省人事及治元氣虛弱唇燥咽乾潮熱盜汗

或肺熱上壅痰唾稠粘咳嗽煩渴或大病後
心虛煩燥小兒心氣虛弱欲發驚癇或直視
發搐應是一切心疾並宜服之常服養心益
血安魂定魄寧心志止驚悸順三焦和五臟
助脾胃進飲食聰明耳目悅澤顏色輕身耐
老不僭不燥神驗不可具述 方見驚悸門
導赤散治心臟實熱口乾煩渴或口舌生瘡
驚怖不安

黃連 去鬚 麥門冬 去心 半夏 湯泡七次 地骨皮 去木 茯苓

神木 赤芍藥 木通 去節 生地黃 洗 黃芩 已

各一兩 甘草 炙半兩

右咬咀每服四錢水一盞半薑五片煎至
八分去滓溫服不拘時候 永類金方同

椒附圓治小腸虛冷小便頻多

椒紅 炒出汗 桑螵蛸 酒炙 龍骨 生用 山茱萸 取附

子炮法 鹿茸 酒蒸焙

右等分細末酒糊為圓如梧桐子大每服
七十圓空心鹽湯送下

脾胃虛實論治

夫脾胃者足太陰之經位居中央屬乎戊土主於中州候身肌肉與足陽明胃之經相爲表裏表裏溫和水穀易於腐熟運化精微灌溉諸經若飲食不節或傷生冷或思慮過度冲和失布因其虛實由是寒熱見焉方其虛也虛則生寒寒則四肢不舉食飲不化喜噫吞酸或食卽嘔吐或卒食不下腹痛腸鳴時自嘔泄四肢沉重常多思慮不欲聞人聲

夢見飲食不足脉來沉細軟弱者皆虛寒之候也及其實也實則生熱熱則心胃煩悶唇焦口乾身熱煩痛體重腹脹善飢善喫甚則舌根腫強口内生瘡夢見歌樂四肢怠墮脉來緊實者是實熱之候也况土旺四季各十八日脉來常欲中緩而短乃不病之脉也如鳥之喙如鳥之啄如屋之漏如水之溜此皆脾死矣

進食散治脾胃虛寒或食生冷或飲食不節

或因思慮傷動冲和之氣胃膈痞塞腹脹怠
墮全不進食痰逆惡心大便溏泄

半夏麴內荳蔻麴裏草果仁高良薑

炒麥蘖炒附子炮丁香厚朴去皮薑

陳皮去白各人參去蘆青皮去甘草炙各半兩

右咬咀每服四錢水一盞半永類鈐生薑

五片棗子一枚煎至七分去滓温服不拘

時候

六君子湯治脾臟不和不進飲食上燥下寒

服熱藥不得者

人參 白朮各一兩橘紅永類鈐半夏湯洗

枳殼去瓤炒甘草炙各半兩

右咬咀每服四錢水一盞半生薑七片棗

子一枚煎至七分去滓温服不拘時候

草澄茄圓治脾胃虛弱胃膈不快不進飲食

草澄茄不拘多少

右為細末薑汁打神麴末煮糊為圓如梧

桐子大每服七十圓食後淡薑湯吞下永類

同鈞方

附子建中湯治脾氣虛寒腹脇脹滿身體沉重面色痿黃嘔吐不食水穀不化大臍自利

肉苳蔻麩裏白苳蔻仁 附子炮去皮厚朴

去皮薑白朮 乾薑炮紅豆 神麩炒各一兩

丁香 胡椒 木香不見火甘草炙各半兩

右咬咀每服四錢水一盞半方一盞生薑

五片棗子一枚煎至七分去滓溫服不拘時候

生胃丹治脾胃不足痰多嘔逆不思飲食此藥以南星粟米黃土為主蓋南星醒脾粟米養胃黃土取其以土養土性味和平大虛倉廩為進食化痰之要劑真良方也

大天南星四兩用真黃土半斤將生薑滓

煨香透去土不用將南丁香不見火粟米一斤

星切碎焙乾和後藥研木香不見火厚朴去皮

用生薑二斤和皮搗神麩炒麥蘖炒橘紅 防風去蘆白朮

製自然汁浸蒸焙穀藥炒縮砂仁 白苳蔻仁 青皮去白

兩半夏麩兩 人參 白沉香 不見 甘草 炙各

右為細末法圓如棗豆大每服七十圓不

拘時候淡薑湯送下 方類鈐

壯脾圓治脾胃虛寒飲食不進心腹脹滿四

肢無力吐逆食不消或手足浮腫臟腑滯泄

獾猪肚 一枚洗淨用造酒大麩四兩同判

線縫定外用葱椒酒煮爛取肉荳蔻麩裏

禹餘糧 煨研極細 砂仁 麥蘖 炒 神麩 炒 橘

紅附子 炮去皮 白朮 各一兩 木香 不見 丁香

各半

右為細末用猪肚杵和千百下圓如梧桐

子大每服五十圓用米飲送下不拘時候

方類鈐

胃丹 方見嘔吐門

補真圓大抵不進飲食以脾胃之藥治之多

不効者亦有謂焉人之有生不善攝養房勞

過度真陽衰虛坎火不溫不能上蒸脾土冲

和失布中州不運是致飲食不進胃膈痞塞

或不食而脹滿或已食而不消大腑滯泄此皆真火衰虛不能蒸蘊脾土而然古人云補腎不如補脾余謂補脾不若補腎腎氣若壯丹田火經上蒸脾土脾土溫和中焦自治腸開能食矣

葫蘆巴炒 附子炮去皮臍 陽起石煨 川烏炮去

兔絲子酒淨 沉香不見火 肉豆蔻煨 裏肉

菴蓉酒浸 五味子各半 鹿茸去毛 酒川巴

戟心寸 鍾乳粉各一兩

右爲細末用羊腰子兩對治如食法葱椒酒煮爛入少酒糊杵和爲圓如梧桐子大每服七十圓空心食前用米飲塩湯任下
永類鈔方同

瀉黃散治脾胃壅實口内生瘡煩悶多渴頰痛心煩唇口乾燥壅滯不食

藿香葉七錢 石膏煨 縮砂仁 山梔子仁

甘草炙各半兩 防風去蘆四兩

右剉碎同蜜酒炒香焙爲細末每服三錢

水一大盞煎至七分溫服不拘時候永類方

枳殼圓治脾實心腹壅滯四肢疼悶兩脇脹

滿大小便不利方見大便門

橘皮竹茹湯治胃熱多渴嘔噦不食

赤茯苓去皮橘皮去白枇杷葉拭去毛麥門冬去心

青竹茹湯炮七次半夏各一兩人參各甘草各

兩半

右咬咀每服四錢水一盞半永類方薑五

片煎至八分去滓溫服不拘時候

肺大腸虛實論治

夫肺者手大陰之經位居西方屬乎庚辛金為五臟之華蓋其氣象天其候腎中之氣布清氣於皮膚其政涼其令肅其主魄是肺之司化也與手陽明大腸之經相為表裏貴無偏勝之患或因叫呼或過食煎燻或飲酒過度或飢飽失宜因其虛實由是寒熱見焉方其虛也虛則生寒寒則聲嘶語言用力顫掉

緩弱少氣不足咽中乾無津液虛寒乏氣恐
 怖不樂欬嗽及喘鼻有清涕皮毛焦枯診其
 脉沉緩者是肺虛之候也及其實也實則生
 熱熱則胃膈滿鼻赤口張飲水無度上氣欬
 逆咽中不利肩背生瘡尻陰股膝髀臑肘足
 皆痛脉來浮濇而短者是不病之脉也脉來
 不上不下如循雞羽曰病按之消索如風吹
 毛曰死

自石英湯治肺氣虛弱惡寒欬嗽鼻流清涕

喘息氣微

白石英 細辛 洗去 五味子 陳皮 去 鍾

乳粉 阿膠 判蛤 粉炒 桂心 不見火 人參

甘草 炙各半兩 紫苑 洗一兩 鈔

石艾且每服四錢水一盞半薑五片煎至
 八分去滓温服不拘時候

瀉白散治肺臟氣實心胃壅悶欬嗽煩喘大
 便不利

桑白皮 炙 桔梗 去蘆 地骨皮 去木 半夏 湯泡

瓜蒌子

升麻

杏仁

去皮尖

甘草

炙各等分

右咬咀每服四錢水一盞半生薑五片煎

至八分去滓食後溫服

紫苑茸湯治飲食過度或叫呼走氣或食煎

燔邪熱傷肺欬咽痒痰多唾血喘急胃滿

脇痛不得安臥

紫苑茸

洗

經霜桑葉

欬冬花

百合

蒸焙

杏仁

去皮尖

阿膠

蛤粉炒

貝母

去心

蒲黃

炒

半夏

湯泡七次

犀角

鎊

甘草

炙各半兩

人參

半兩

右咬咀每服四錢水一盞半生薑五片煎

至八分去滓食後溫服

人參荆芥散治肺感寒邪或感風熱痰多欬

嗽頭目不清言語不出咽乾痰實或項背強

硬皮膚不仁

荆芥穗

麻黃

去根

細辛

去土洗

桔梗

去蘆炒

陳皮

去白

半夏

湯泡七次

杏仁

去皮尖

人參

通草

甘草

炙各半兩

右咬咀每服四錢水一盞半生薑五片煎

至八分去滓食後溫服

訶梨勒圓治大腸虛冷腸鳴泄瀉腹脇氣痛
飲食不化

訶梨勒麩裏附子炮去皮肉豆蔻麩裏木香

不見吳茱萸去梗龍骨生用白茯苓去皮華擦

火各半

右為細末薑汁煮糊為圓如梧桐子大每

服七十圓空心米飲送下永類鈔方同

檳榔圓治大腸實熱氣壅不通心腹脹滿大

便秘實

檳榔 大黃蒸麻子仁炒去殼枳實炒羌

活去蘆牽牛炒杏仁去皮炒白芷 黃芩各一

人參兩半

右為細末煉蜜為圓如梧桐子大每服四
十圓空心用熟水送下以大腑流利為度

永類鈔方同

腎膀胱虛實論治

夫腎者足少陰之經位居北方屬乎壬癸水

左為腎右為命門與足太陽膀胱之經相為表裏腎精貴乎專瀆膀胱常欲氣化者也若快情縱慾失志傷腎過投丹石因其虛實因是寒熱見焉方其虛也虛則生寒寒則腰背切痛不能俛仰足脛痠弱多惡風寒手足厥冷呼吸少氣骨節煩疼臍腹結痛面色黧黑兩耳虛鳴肌骨乾枯小便滑數診其脉浮細而數者是腎虛之候也及其實也實則生熱熱則舌燥咽腫心煩咽乾胃脇時痛喘嗽汗

出小腹脹滿腰背拘急體重骨熱小便赤黃足下熱痛診其脉浮緊者是腎實之候也脉沉濡而滑者不病之脉也脉來如引葛按之益堅者腎病至堅而沉如彈石辟辟然者死十補圓治腎藏虛弱面色黧黑足冷足腫耳鳴耳聾肢體羸瘦足膝軟弱小便不利腰脊疼痛但是腎虛之證皆可服之

附子炮去皮 五味子各二兩 山茱萸取肉 山藥剉炒
 牡丹皮去木 鹿茸去毛 熟地黄洗酒蒸 肉桂去皮

不見火白茯苓去皮澤瀉各一兩

右為細末煉蜜為圓如梧桐子大每服七十圓空心鹽酒鹽湯任下

鹿茸圓治腎虛少氣腹脹腰痛小腹急痛手足逆冷飲食減少面色黧黑百節疼痛日漸無力

川牛膝去蘆鹿茸去毛五味子各二兩石斛

去根兔絲子淘淨棘刺杜仲去皮川巴戟

去心山藥剉陽起石煨附子炮去皮川練子取肉

炒磁石煨官桂不見火澤瀉各一兩沉香別研

右為細末酒糊為圓如梧桐子大每服七十圓空心鹽酒鹽湯任下

冷補圓治腎水燥少不受峻補口乾多渴耳痒耳聾腰痛腿弱小便赤澀大便或難

熟地黄酒蒸生地黄洗天門冬去心川牛膝

去蘆白芍藥地骨皮去木白蒺藜炒麥門

冬去心石斛去根玄參磁石火煨七次沉香

別研不見火各等分

右為細末煉蜜為圓如梧桐子每服七十圓空心塩湯塩酒任下

玄參湯治腎臟實熱心腎煩悶耳聽無聲四肢拘急腰背俛仰強痛

生地黄洗玄參 五加皮去木黃芩 赤茯

苓去皮通草 石菖蒲 甘草炙羚羊角鎊

麥門冬去心各等分

右咬咀每服四錢水一盞半醫方大成集

方袖珍方永薑五片煎至八分去滓温服成南北經驗

不拘時候

陽起石圓治腎臟虛損陽氣全乏

陽起石煨韭子炒肉蓯蓉酒浸青塩別兔絲

子水淘淨酒鹿茸酒蒸鍾乳粉 沉香別研

火原蠶蛾酒炙山茱萸取肉各半兩桑螵蛸酒炙山

藥剉碎各半兩

右細末酒糊為圓如梧桐子大每服七十

圓空心塩酒塩湯任下

韭子治膀胱虛冷小便白濁滑數日夜無

度

赤石脂煨 韭子炒 川牛膝去蘆酒浸 牡蠣煨覆

盆子酒浸 附子炮去皮濟 桑螵蛸酒炙 鹿茸酒蒸肉

菴蓉酒浸 龍骨一尺各 雞胫胫灰 沉香火各半

兩

右為細末酒糊為圓如梧桐子大每服七十圓空心搥湯搥酒任下

葵子湯治膀胱實熱腹脹小便不通口舌乾燥咽腫不利

赤茯苓去皮 木猪苓去皮 葵子 枳實炒 瞿麥

木通去節 黃芩 車前子炒 滑石 甘草炙

等分

右吹咀每服四錢水一盞半永類鈔方一盞 薑五

片煎至八分去滓溫服不拘時候

聖濟總錄

心虛

心虛之狀氣血衰少面黃煩熱多恐悸不樂心腹痛難以言時出清涎心膈脹滿善忘多

驚夢寢不寧精神恍惚皆手少陰經虛寒所致其脉見於左手寸口人迎以前陰虛者乃其候也

治心虛悸頭項熱痛狂走言語無度小腹氣壅石膏湯方

石膏二兩 麥門冬去心 升麻各一兩半 桔梗去蘆頭切

炒 甘菊花擇去梗 黃耆薄切各一兩 人參半兩

右七味麤擣篩每服五錢匕水一盞半煎至一盞去滓食後溫服日三

治心氣虛弱時發昏悶驚悸恍惚忘誤心忪安定神志補心不足丹砂茯神丸方

丹砂別研 茯神去木 人參 天麻 白殭蠶微炒

各一兩 天竺黃研 真珠末 琥珀研 菖蒲

遠志去心各半兩 鈆霜研 麝香研 水銀沙子

乾蠍去肚泥炒 牛黃別研各一分

右一十五味為細末鍊蜜丸如梧桐子大每服十丸至十五丸煎人參茯苓湯下食後臨卧服

治心經邪熱虛煩懊躁頭目不利神思昏倦
紫石英湯方

紫石英別研 麥門冬去心焙 生乾地黄洗切

人參 紫蘇莖葉 遠志去心 茯神去木 當歸

切 甘草炙 防風去叉各 赤小豆一兩

右一十一味麤搗篩每服三錢七水一盞

煎至七分去滓早晚食後溫服

治精神恍惚或爽或昏意思不佳日多伸欠
眠食不時補心益志菖蒲散方

菖蒲剉 人參 生乾地黄洗切 遠志去心 白

茯苓去黑皮 山芋各一兩 桂去龜皮

右七味為細散每服一錢七粥飲調下食
後臨卧服

治思慮過多心氣不安驚悸恍惚煩倦神思
不清人參遠志丸方

人參 遠志去心 黃耆切 酸棗人各一兩 桂去

桔便 丹砂別研各 天門冬去心 菖

蒲 白茯苓去黑皮各

右一十味為細末鍊蜜丸如梧桐子大每服十五丸至二十九丸米飲下不拘時安鎮魂魄令人神爽氣清目明耳聰強記預知應真丸方

琥珀研 預知子 遠志去心 人參 白茯苓

去黑皮 白木 菖蒲各二兩 桂去麤皮一兩

右八味為細末鍊蜜丸如梧桐子大每服二十九丸食前溫酒下

治心氣虛弱驚悸夜臥不寧沉香散方

沉香 白茯苓去黑皮各三錢 酸棗人炒 人參

天麻 芎藭 陳橘皮去白切焙各二錢 藿香葉

甘草炙 白殭蠶去絲酒炒各一錢

右一十味為細散每服一錢匕食後生薑湯調下日二夜一

治心氣不足茯苓菖蒲丸方

茯苓去黑皮 菖蒲 遠志去心各一兩 茯神去木二兩

赤小豆半兩

右五味為細末用炊餅浸稀丸如棗豆大

每服三十九至五十九食後熟水下

治心氣不足山茱萸丸方

山茱萸 杜仲去麤皮炒 茯神去木 枳殼去瓢炒 甘

草炙 貝母去心炒 天門冬去心焙 白茯苓去

皮 麥門冬去心焙 生乾地黃先切焙 百部

各二兩 防風去叉一兩半 遠志去心半兩

右一十三味為細末鍊蜜丸如彈子大每

服一丸嚼細食後麥門冬熟水下

治心氣不足脾乏生氣脾既受邪先診其脉

若心脾脉俱弱即宜先服益心氣人參湯方

人參 藿香去梗 遠志去心 芎藭 菖蒲 白

朮 白芷 陳橘皮去白切焙 各等分

右八味麤擣篩每服三錢匕水一盞煎至

八分去滓食前服

開心益智菖蒲散方

菖蒲三分 遠志去心一分 蒲黃 白茯苓去黑皮

龍骨碎研各一兩一分

右五味為細散每服一錢匕平旦以新水

調下服此藥宜以開日為始

治心虛不足補心氣山芋丸方

山芋 熟乾地黄焙各一兩半 栝子人 茯神

去人參 防風去 丹參各一兩 貝母去心 菖

蒲石上 甘草剉 遠志去心各半兩

右一十一味搗羅為末研令勻用蜜和丸

如彈子大每日食後將一丸含化嚙津夜

臥時再服

治心虛驚悸睡臥不安龍齒湯方

龍齒 人參各三分 芍藥 淡竹茹 當歸

切半夏麴 茯神去 羌活去蘆頭各半兩 木香

茅根各一分 銀半斤用水三升煎取一升

右一十一味除銀外籠擣篩每服五錢匕

用銀水一盞半生薑五片煎至八分去滓

食後溫服

治心虛驚悸茯苓散方

白茯苓去黑皮三分 遠志去心 人參 麥門冬去

焙白殭蠶炒 羚羊角鎊 菊花各半兩 甘草剉

牛黃 研各 鐵粉 一分

右一十味搗研為散每服二錢匕食後煎竹瀝湯調下或薄荷熟水下

治心藏虛熱驚悸心忪虛乏氣短睡卧不安
茯神丸方

茯神 去木 人參 麥門冬 去心 龍齒 防

風 去 雲母粉 各一兩半 犀角 鎊 黃芩 去黑 薏苡

人 各二兩

右九味搗羅為末鍊蜜丸如棗豆大每服

食後米飲下十五丸至二十九

治心虛言語錯謬精神恍惚多驚黃耆湯方

黃耆 剉 麥門冬 去心 人參 白茯苓 去

芍藥 當歸 切 桂皮 去 甘草 炙 各

右八味麤搗篩每服五錢匕水一盞半棗二枚擘煎至一盞去滓不拘時溫服

治心虛驚悸或因憂慮神氣不安鎮心丸方

茯神 去木 人參 甘草 炙 龍齒 各一兩半 升麻

枳殼 去 蘇楚炒 銀薄 二百片 麥門冬 去心 焙

右八味搗羅爲末鍊蜜和丸如梧桐子大
每服十五丸至二十九米飲下早晚食後
服

治心虛不足驚悸不安言語謬亂人參遠志
散方

人參 遠志去心 熟乾地黄焙各三分 琥珀 研白
茯苓去黑皮 甘草炙 鐵粉研半兩
右七味搗研爲散每服二錢匕煎金銀湯
調下

治心虛不足驚悸不安言語謬亂人參湯方

人參 茯苓去木 羌活去蘆 芍藥 黃耆各三分
龍齒 桂去麤皮
右七味細剉如麻豆每服五錢匕水一盞
半入生薑三片同煎至八分去滓溫服日
二

治心氣不足或喜或悲或嗔或怒或時鼻衄
眼目黃赤言語顛倒咽喉強痛脣口乾燥冷
汗自出驚悸心忪補心湯方

人參 白茯苓 去黑皮 桂皮 去麤皮 紫苑 去苗土 麥

門冬 去心焙 紫石英 研一兩

右六味麤擣篩每服五錢匕水一盞半大

棗二枚擘赤小豆三十粒煎至八分去滓

食後溫服

治心虛神氣不寧舉動多驚睡臥不安杏人

丸方

杏人 一斗湯浸去皮尖雙人用童子小便

爛研如膏再以清酒三升并地黃汁三升和杏人膏銀石器內重湯煮一復時稀稠

如膏為度盛 遠志 一兩去心焙乾 茯苓 去麤皮 菖

蒲 各二兩 麥門冬 去心 黃連 各一兩

右六味除杏膏外擣羅為末入前膏和為

丸如梧桐子大每服三十九人參湯下

治心虛通百病虛瘠羸乏牛髓丸方

牛髓 羊髓 白蜜 酥 棗膏 各一升 茯

苓 麥門冬 芎藭 桂心 當歸 去蘆頭

甘草 羌活 各一分 乾薑 乾地黄 各一兩

人參 五味子 防風 各一兩 細辛 三分 白朮

一兩
三分

右十九味先搗十四味為末取上五味銅
石器內熬令消次入前藥末同熬如膏取
出可丸即丸如梧桐子大溫酒下三十丸

治心實熱茯神湯方

茯神去木 麥門冬去心 焙木通剉 桂去 龍知

母洗 紫苑切 升麻各半 竹茹如雞 赤石脂

一兩

右九味麤搗篩每服五錢匕井華水一盞

半入棗一枚去核煎至一盞去滓早晚食

前臨臥溫服

治心實熱夢驚恐畏懼不安石膏湯方

石膏四兩 碎研 人參 知母焙 赤石脂 梔子

去芍藥 白朮 茯神去木 紫苑洗切各

右九味麤搗篩每服五錢匕水一盞半煎

至一盞去滓入竹瀝少許生地黃汁一合

更煎一兩沸食後溫服若要利加芒消一

兩去芍藥

治心實熱欲吐不出煩悶喘急寫心湯方

小麥三合 豉炒一合 石膏五兩 地骨皮兩 葶子皮

赤茯苓七分 去黑皮三分

右六味麤搗篩每服五錢匕水一盞半入竹葉十片細剉煎至一盞去滓食後溫服

治心壅痰實膈熱頭昏不思飲食欬嗽煩渴

犀角湯方

犀角屑 芫胡去苗 黃芩去心 人參各一分 白

茯苓去黑皮 麥門冬去心 升麻各半兩 甘草炙剉

分半

右八味麤搗篩每服五錢匕水一盞半煎至一盞去滓食後溫服

治心氣實熱火氣炎盛銷燦金精肺受心邪因而生疾若人患肺先審心虛實若心氣盛實則脉洪大或肺脉微得心脉即先服此抑心氣湯方

黃芩去心 赤茯苓去黑皮 玄參 甘草炙剉 麥

門冬去心 牡丹皮 升麻 桔梗去蘆 貝

母去心犀角屑各一分沉香一分木香一分

右一十二味各搗篩每服三錢七水一盞

煎至七分食後溫服

治心實壅熱口苦舌乾涕唾稠黏胃膈煩悶

不思飲食人參湯方

人參 赤茯苓去黑皮茯神去木龍骨炙遠志

去心麥門冬焙生乾地黄洗切甘草炙

兩丹砂研天竺黃各一錢天門冬去心

右一十一味麤搗篩每服三錢七水一盞

棗一枚去核淡竹葉五片燈心十莖煎至

七分去滓溫服

治心實壅熱口苦舌乾涕唾稠黏胃膈煩悶

不思飲食肢體倦怠或發煩熱狀似骨蒸茯

神丸方

茯神去木生乾地黄洗切鼈甲九肋者醋炙去裙爛

桔梗去蘆頭人參 升麻 大腹炮防風

去黃芩去心白前各一兩枳殼去瓤炒赤芍藥

芫胡去苗黃耆薄切各一兩半

右一十四味為細末鍊蜜丸梧桐子大每服十九食後生薑湯下

治心藏積熱口舌生瘡善怒言語不快舌強小便赤痛通心湯方

麥門冬去心焙 梔子去皮 黃芩去黑心 當歸酒洗切焙

荆芥穗 芍藥 大黃生剉 升麻 木通一分

右九味龕擣篩每服三錢七水一盞入葱白三寸煎至八分去滓食後熱服

治心經蘊熱頭目壅赤小便祕澀加減火府丸方

生乾地黃洗切焙 木通一分 黃連去須三分

芩去黑心一分 赤茯苓去黑皮半兩

右五味為細末鍊蜜丸梧桐子大每服七丸至十丸食後溫水下

治心熱實忪悸恍惚痰壅昏倦上盛渴躁夜卧不穩鎮心丸方

丹砂研別人參 甘草炙剉 黃芩去黑心 括樓根

各一 凝水石 碎研 牛黃 研 犀角 鎊 知母 各
兩 龍腦 別研 一錢

右一十味為細末鍊蜜丸雞頭大每服一
丸人參湯嚼下

治心藏大熱去煩悶潤腸胃山梔子湯左

山梔子 三大黃 朴消 甘草 生 石膏 各

兩 黃芩 去黑 大青 各一 竹茹 三分 鬱金 一兩

右九味麤擣篩每服三錢七水一盞入竹
葉七片煎至七分去滓食後服

治心實生熱驚悸化風痰解積熱冰壺丸方

牛黃 別研 真珠 別研 人參 白茯苓 去黑 安息

香 酒化 胡黃連 龍膽 麥門冬 去心 遠志

去心 各 丹砂 別研 瑤瑁 鎊 犀角 鎊 龍腦 別

龍齒 鐵粉 別研 甜消 別研 各 金薄 別研 銀薄

別研各
十五片

右一十七味為細末鍊蜜同安息香膏和
丸如鷄頭大每服一丸煎人參茯苓湯化
下

治心藏實熱上焦壅滯口舌生瘡或多煩渴
芫胡湯方

芫胡去苗地骨皮 犀角鎊 麥門冬去心 葛

根剉 黃連去須 赤芍藥 黃芩去黑心 升麻各

兩 甘草炙剉 半兩

右一十味麤搗篩每服三錢匕水一盞煎

至七分去滓食後溫服

治心實熱口乾煩渴夜卧不安羚羊角湯方

羚羊角鎊三分 茯神去木 木通剉 黃連去須 麥門

冬去心 升麻 知母焙 黃芩去黑心 朴消各

右九味麤搗篩每服三錢匕水一盞煎至

七分去滓食後溫服

治心藏實熱胃中滿悶嗔怒不常或頭旋暈
或痛如破犀角湯方

犀角鎊 防風去叉 生乾地黄焙 羌活去頭 菊

花 半夏湯浸去滑薑汁 玄參 黃芩去黑

心 白朮 甘草炙 旋復花 麥門冬去心

前胡 去蘆頭各一兩半

右一十三味麤搗篩每服五錢匕水一盞半入生薑一棗大切煎至八分去滓食後溫服

治心藏壅盛煩熱口舌生瘡頭痛頰赤心神不寧通心湯方

升麻 去黑 犀角 鎊 龍膽 玄參 防風 去黃

芩心 去黑 羌活 去蘆頭各半兩 苦竹葉 三分 甘草 一分

右九味麤搗篩每服五錢匕水一盞半煎

至八分去滓食後溫服

治心熱膽虛喜驚多涎夢中驚魘小兒驚熱女子愛勞血厥產後心虛怔忡等疾至寶丹方

生犀角 鎊 生瑤瑁 鎊 琥珀 研 丹炒 研 雄黃 研
研各一兩 牛黃 半兩與上一 安息香 一兩半酒
令化濾去滓約耳 一兩淨研如膏

右七味內六味搗研為末以安息香膏丸如皂莢子大人參湯下一丸小兒量度加

減

治心藏風熱牛黃散方

牛黃別研一分何首烏一兩半甘草炙剉一分玄明粉

兩半

右四味搗研為細散和勻每服一錢半匕

麥門冬熟水調下

治心藏熱實狂言妄語心神不寧大定志丸

方

消石一兩丹砂一分白茯苓去黑皮人參各二兩

右四味搗研為末粟米飯和丸如彈丸大每服一九沙糖新汲水調下

治熱實在內狂妄不常定心丸方

消石兩半丹砂一分

右二味細研糯米粥和丸如櫻桃大每服一九生糯米汁入油一兩點青柳枝打勻服

醫方類聚卷之十